

Bosna i Hercegovina
Federacija Bosne i Hercegovine
KANTON SARAJEVO
OPĆINA HADŽIĆI
- Općinsko vijeće -



Na osnovu člana 24., a u skladu sa članom 127. Statuta Općine Hadžići („Službene novine Kantona Sarajevo“ broj:15/09 i 17/12) Općinsko vijeće Hadžići na 4. sjednici održanoj dana 28.02.2013. godine, d o n o s i

STATUTARNU ODLUKU O DOPUNI STATUTA OPĆINE HADŽIĆI

Član 1.

Ovom Odlukom vrši se dopuna Statuta Općine Hadžići broj: 01-01.2-1931/09 od 30.04.2009 godine („Službene novine Kantona Sarajevo“ broj:15/09, u daljem tekstu: Statut).

Član 2.

Dopuna Statuta vrši se na način da se iza člana 6. doda novi član 6a koji glasi:

Član 6a.

„Općina Hadžići obuhvata područje sljedećih naseljenih mjesta: Aleksići, Ban Brdo, Bare, Beganova Ravan, Beganovi, Binježevo, Breza, Budmolići, Buturovići kod Drozgometa, Buturovići kod Osenika, Crepljani, Češće, Čičke, Čate, Deovići, Do, Dobrijevac, Doljani, Donja Bioča, Donja Raštelica, Donji Hadžići, Donji Zovik, Dragovići, Drozgometa, Dub, Dupovci, Duranovići, Đanići, Đapići, Ferhatlije, Garovci, Gornja Bioča, Gornja Raštelica, Gornji Zovik, Gradac, Grivići, Grude, Hadžići, Japalaci, Jeleč, Kahrmani, Karaosmanovići, Kasatići, Kazina Bara, Korča, Korijen, Koščan, Kućice, Kukrika, Lihovci, Lokve, Luke, Ljubovčići, Malotina, Medvjedice, Mehina Luka, Miševići, Mokrine, Mostarsko raskršće, Musići, Obrovac, Odžak, Orahovica, Osenik, Paklica, Pazarić, Potkraj, Ramići, Resnik, Sejdanovići, Sivice, Smucka, Suhodol, Sutice, Šavnici, Šinici, Šunji, Tarčin, Trnčići, Trzanj, Urduk, Ušivak, Vrančići, Vrbanja, Vukovići i Žunovnica.“

Ostale odredbe Statuta ostaju nepromijenjene.

Član 3.

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

Broj: 01-01-2-2035/2013
Hadžići, 28.02.2013 godine

Predsjedavajući
Općinskog vijeća Hadžići

Adnan Proha

Obrazloženje:

Pravni osnov za donošenje ove statutarne odluke sadržan je u članu 24. Statuta Općine Hadžići u kojem je utvrđeno da Općinsko vijeće: „donosi odluke o organizaciji mjesne samouprave i nazivima ulica, trgova i naseljenih mjesta“

Razlog za donošenje je izostanak popisa naseljenih mjesta iz Statuta Općine Hadžići iz 2009 godine, te prijedlog Općinskog načelnika da se isto pitanje uredi.

Obrazloženje odredbe ove Statutarne odluke kojom se Statut Općine Hadžići dopunjuje jednim članom 6a je da Statutarna odluka sadrži nabrojana naseljena mjesta iz prijedloga Općinskog načelnika i prijedloga prikupljenih tokom javne rasprave te Ban Brda kao naseljenog mjesta, a što su uglavnom toponimi.

Kako početkom marta ove godine počinje proces izdavanja novih biometrijskih ličnih dokumenata u cilju olakšavanja građanima tog procesa pristupilo se izradi ove Statutarne odluke.

Potrebna finansijska sredstva: Za provođenje ove Statutarne odluke nisu potrebna finansijska sredstva.

Bosna i Hercegovina
Federacija Bosne i Hercegovine
KANTON SARAJEVO
OPĆINA HADŽIĆI
Općinsko vijeće
- Komisija za Statut i propise -

Broj: 01- 01-2-1636-3/2013
Hadžići:18.01.2013 godina

U skladu sa članom 36. Poslovnika Općinskog vijeća Hadžići („Službene novine Kantona Sarajevo“, broj:15/09), Komisija za Statut i propise je dana 18.01.2013 godine održala sjednicu kojoj su prisustvovali svi članovi Komisije i Sekretar Općinskog vijeća Hadžići.

Na sjednici je razmatrana i utvrđen prijedlog

- Statutarne odluke o dopuni statuta Općine Hadžići

Komisija je razmotrila predloženu Odluku u pogledu njene usklađenosti sa Zakonom o principima lokalne samouprave F BiH („Službene novine FBiH“, broj: 49/06), te Statutom Općine Hadžići i Općinskom vijeću podnosi

IZVJEŠTAJ

Nacrt Statutarne odluke o dopuni Statuta Općine Hadžići utvrđen je na 36. sjednici Općinskog vijeća održanoj dana 12.07.2012. godine, a na prijedlog Općinskog načelnika.

Zaključkom je utvrđen rok za javnu raspravu do 10.08.2012. godine. Svoje primjedbe u ostavljenom roku dostavili su: MZ Binježevo i Stranka za BiH Općinski savjet Hadžići koji su potvrdili svoje prijedloge stavljene na samoj 36. sjednici.

Komisija za Statut i propise je održala sjednicu dana 15.01.2013 godine i sumirala javnu raspravu, te zatražila izjašnjenje od Službe za prostorno uređenje, urbanizam i građenje.

Služba za prostorno uređenje, urbanizam i građenje je dostavila izjašnjenje te je Komisija za Statut i propise dana 18.02.2013. godine održala sjednicu i utvrdila prijedlog Statutarne odluke o dopuni Statuta Općine Hadžići.

U prijedlog Statutarne odluke ugrađena su sva naseljena mjesta pobrojana u nacrtu Statutarne odluke, prijedlozi pristigli tokom javne rasprave i Ban Brdo kao naseljeno mjesto.

Imajući u vidu da je ovo pitanje neriješeno od 2009. godine, a da početkom marta ove godine počinje postupak izdavanja novih biometrijskih ličnih dokumenata te u cilju olakšavanja ovog postupka građanima Općine Hadžići, Komisija Općinskom vijeću predlaže da usvoji Statutarnu odluku o dopuni Statuta Općine Hadžići.

Predsjednik
Komisije za Statut i propise

Elmir Sadiković